

古
明陶宗儀撰
刻
叢
鈔
全

進步書
局校印

新
子
鈔
叢
書

PDG

古刻叢鈔

明 玉霄真逸陶宗儀著

大唐故陪戎校尉崔府君墓誌銘

并序

君諱相。清河人也。神農之苗胄。太公之允緒。原夫魚吞呂釣。應同載以歸周。龍躍崔津。表嘉名以誕慶。曾祖瓌。隨任鄭州司馬。祖圖。父觀。隨任蒙州錄事參軍。或六條布政。揚至德以宣風。或千里輔仁。珥公平以闡化。君高門華緒。聞氣清姿。倚桐吸日月之光。松柏挺風霜之節。方冀南山錫壽。永駐顏齡。北帝遊魂。先悲過隙。嗚呼哀哉。以開元十年二月廿一日。終於私第。春秋六十有八。夫人丁氏。蘇氏。李氏。並母儀婉順。婦德惠和。移鄰之慶。早彰。舉案之驪。夙備。庶期十月。壽保百齡。冀椿鶴而齊年。奄茵螭而等謝。越開元十年三月八日。合祔於村西北二里平原禮也。左榮澤。右成阜。峨峨飛嶠。鎮其前。滔滔黃河。灌其後。嗟乎。玉樹雙埋。金聲兩絕。白日杳而三十歲黃泉深。而幾萬重。悲風起而松柏哀。淒露泣而蓬蒿泣。嗣子待賓等。瞻天靡訴。扣地無追。長縈銜索之悲。永結殯荼之苦。銘曰。

東光不駐。西影彌催。崑山玉碎。蘭苑香摧。元宵易掩。白日難開。母儀夙備。婦德早彰。

匣中劍折鏡裏鸞亡。乾坤載合。琴瑟重張。森森翠柏。駸駸白楊。千秋播馥。萬代流芳。
大唐故忠武將軍行薛王府典軍上柱國平棘縣開國男李府君墓誌銘

并序

工部員外郎賈彦璿撰

君諱無慮。字忠奮。隴西人也。昔月貫於昴。咎繇誕而邁德。氣感流星。伯陽生而啟聖。
惟彼降瑞。因茲命氏。曾祖貴隨。大中大夫。延州刺史。涼國公。皇降封隴西公。任切分
憂。寵加勞理。朱旗映日。早益生風。屬隨室道喪。我唐天啟。疇庸錫壤。俾崇舊勳。封以
隴西。昭其業也。祖斌。皇銀青光祿大夫。隰吉二州刺史。襲封隴西公。口口高。口口御下
以寬。洗憤清心。不言而理。襲封本郡。昭其祚也。父口口道。皇金紫光祿大夫。汾州刺史。
股肱之郡。公輔之材。克著政口口。尤口口人望。遷鎮軍大將軍。左驍衛大將軍。上柱國。襲
封隴西郡公。武庫森森。縱橫矛戟。智囊口口口口風雲。煥乎鉤陳。設在蘭闥。乃祖乃
父。自公自侯。昭其貴也。君衣冠奕世。禮樂口口賢。屢膺炳靈光。昭茂緒。大君有命。入衛
天階。口口呈祥。仲由負三軍之勇。口口領標異。班超封萬里之侯。弱冠於清邊軍立功。
授游擊將軍。左衛長上。明略經濟。雄心英果。剋清秋孽。飲至天庭。師出以臧。功宜上
賞。朱紱斯曜。可不偉歟。無何。轉授鄆州韋川府右果毅。時關內按察使強似以君幹

蠱奏攝會州司馬。又改授同州洪泉府左果毅。仍令長上一貴一賤喜慍不形於色。或出或處。寵辱無戒於懷。位口題輿。口申龐統名。參都尉。負屈曾洪有敕。差充口野軍副使。舉不失德。勤不告勞。展充國之務農。輟揚雄之執戟。軍儲是給。口馬賴焉。尋為太原節度使李嵩奏授薛王府典軍。蔽扞雄城。趨侍口口。每入招賢之觀。時陪樂口之遊。習習雄風。和而扇物。粲粲口口。寵而益口。青春始華。元夜閑景。歲不我與。天奪其運。以開口口十七年五月七日。終於靜恭私第。春秋六十有二。以其年六月十一日歸葬於万年縣神木舊京。陪先塋禮也。嗚呼哀哉。賢王端憂。故人啜泣。垂天之翼。必鏤於紫霄。經國之材。俄辭於白日。遂使瑤林瓊樹。瘞松草於佳城。龍章鳳姿。沒風煙於口口。嗣子口庭等。孝履增感。攀號無訴。恭陳遺事。俾刊豐石。銘曰。

公侯之子兮。累代其昌。河岳之秀兮。為龍為光。克岐克嶷兮。發言有章。立功立事兮。厥政其芳。天何為兮。速罹其殃。哲人痿兮。為代所傷。飛旒翩翩兮。出帝鄉。素車遠遲兮。面龍岡。閉以大隧。瑾於使房。勒勳鍾鼎。畫像旗常。日黯黯兮。愁欲暮。風蕭蕭兮。悲白楊。

唐故江南西道觀察判官監察御史裏行太原王公墓誌銘

并序

表姪前諸

道轉運推官將仕郎試大理評事許志雍撰

公諱叔雅字元宏太原祁人也其先食采於祁因邑命氏軒蓋蟬聯奕葉口茂忠貞孝友史不絕書素風懿範繼華紹烈誠有國之柱石為令族之領袖五代祖祐周驃騎大將軍開府儀同三司光祿卿隋拜司空兼中書令諡曰忠烈忠烈生皇朝比部郎中資州刺史師感公之高祖也資州生朝請大夫澤王府司馬清源縣開國男守節公之曾祖也清源生渝州刺史贈懷州刺史口一公之王父也懷州生金紫光祿大夫試秘書監兼御史中丞衢州刺史贈揚府大都督諱承俊公之先考也以中書之勲烈比部之令望清源之宏茂懷州之懿德中丞之雄邁世濟其美慶鍾後昆公即中丞第四子也弱不好弄幼而能文一見不忘有類王充之敏五行俱下不慚應奉之才為喜孜孜小心翼翼恭敬以奉上駕愛以臨下接士必盡其材脩已不疵於物於是鄉里揖其仁朋友伏其義時秘書郎嚴維有盛名於代雖以公年幼交契老成若蔡邕才重拔王粲於弱齡李膺望崇歎孔融於稚齒嘉其至性敦重機口深邃每器而厚之時攜幼弟通鄢乃賦詩以贈云萬里天連水孤舟弟與兄時屬而和者連郎繼也染翰飛翰晷月不息繇是聲華籍甚於公卿聞郡舉進士纔及京師動目

屈指傾蓋結轡為禮部侍郎劉太真深見知遇再舉而登甲科。決辰之間名振寰宇。俄為山南東道副曹王皋辟為從事。丁太夫人憂服闋調補左衛率府兵曹參軍環衛望高以優賢也。未幾為嶺南連帥韋公丹舉列上介表遷左金吾衛兵曹參軍。連府才雄軍門瞻重。每口徐孺之榻獨奪陳琳之筆。屬本使節制東川府。幙遂散還公獨行。奏遷廷尉評兼監察御史府公再遷慈管俄領江西復隨鎮拜監察御史裏行以南康缺牧假行刺史事。盡閭里之情祛疲瘼之疾人得歸厚吏不敢欺歲月之間口口增口復口臨川口南郡之理仁風所被清議攸彰。無何寢疾經時沈痾以元和四年正月七日告終於洪州南昌縣之官舍。春秋五十有五嗚呼哀哉以公之孝可以動神明以公之忠可以口社稷以公之德可以反澆漓以公之仁可以厚風俗有一於此即為全人況其口者乎。奈何天不與善奪口重器民不幸歟時不幸歟夫人河東薛氏故禮部侍郎口之女族謂清門家稱令室以口謙睦中外以端口奉口口公以伉儷之重加於人一等如賓之敬禮若常林居家有恒情如顧悌由是時論多之有一男一女男曰高陽女曰吳婆皆在孩幼哭無常聲公雖臨郡佐幙以清潔自約祿俸所入皆均親愛故不勝其貧輜車既還亦無以葬於時口南西道連帥御史

大夫韋公丹以公賓四府。始終如一。感歎追舊情。均支屬。賻貲百金。加以將校護喪。聞者伏其高義。以其年十月十三日。歸窆京兆府咸陽縣之延陵鄉。祔先塋禮也。此志雍親同懿屬。義比斷金。見記斯文。銜哀永歎。銘曰。

汪汪王公。德門之秀。儒宗賢士。茂族華胄。忠為信臣。義稱良友。器逾瑚璉。人推領袖。何備其能。不豐其壽。嗚呼哀哉。歲月云邁。言歸鎬京。綿歷舊遊。想像襟情。倏已終古。閉於佳城。蒼莽日落。蕭颯風驚。寒原故里。丹旆新塋。嗚呼哀哉。盛德無窮。傳令與昔。閱於元壤。斷茲貞石。陵谷是遷。令問不易。泣下漣沍。氣填胸臆。嗚呼哀哉。猶子鄉貢進士楚卿書。

唐故銀青光祿大夫使持節蔚州諸軍事行蔚州刺史兼御史中丞馬公墓誌

銘并序

朝請大夫使持節汾州諸軍事守汾州刺史楊倞撰

公諱紇。字無畏。扶風平陵人。曾祖行琰。姚州刺史。祖千龍。平州刺史。父實。右驍騎將軍。御史中丞。並有功。幽薊書勲。竹帛公。即中丞弟。廿五子。幼有奇節。性惟聰悟。見古名將勲業之事。未嘗不廢書發憤。沈吟久之。口寄河朔志。蕃王室。欲變風俗。期乎坦夷。遂委質戎府。累遷魏大將。自天寶末。胡羯為亂。雖克勦口。翻恣驕克。以故將帥

帶州連郡朝貢罕至。而魏博諸田相繼立。元和中。上以文德武功定叛亂。雖魏帥詐順。尋亦如舊。大和初。滄帥李全略死。子同捷盜襲其位。先皇震怒。徵兵討之。魏帥以封壤連接。潛相應援。時中書令裴公掌兵柄。謀撓魏事。公以才辨為戎。率知每有奏請。獨當其任。遂申密款於裴公。天子嘉之。乃大張皇威。深述聖旨。開向國之福。戒覆巢之危。帥立歸誠。未幾。王師大捷。而同捷就戮。萬夫解甲。兩河肅清。公始謀之。天子以公忠果可任大事。拜左武衛將軍。後出為寧州刺史。在郡有聞。堂帖赴闕。拜右領軍大將軍。至開成中。博陵更帥丞相進。口取可繼作者。以蔚為口鄰。口易遷就。乃拜公蔚州刺史。兼御史中丞。洎申謝。文宗皇帝臨軒數賞。面許重事。以遣之。既牧安邊。公綏戎以德。撫下以恩。野無南牧之虞。俗講東里之禮。三年去任。執轅遮道者。口路。蔚人思公。令德。日口聞於廉帥。廉帥聞於朝廷。又拜蔚州刺史。口口疾。尋口西河。上聞之。惻然。候疾愈。方授以大柄。神不庇善。以會昌四年三月十日。終於所寄之第。享年五十六。嗚呼。才長壽促。志遠途窮。口廣所以為有識所歎。公兩娶裴氏。張氏。皆名族。生一男二女。男補太廟齋郎。娶徐氏。次女適裴氏。長女在室。即以其年七月十日。歸窆於關中少陵原。附其先塋。合元妃之墓禮也。銘曰。皇道漻漻。天寶末。盜弄。

干戈自胡羯滄帥死兮有餘枿魏為親鄰志相活河海橫流馬公過溟盜垂誅天波
濶忠義克彰遂聞達天子臨軒歎賢傑將委邊陲口勲烈將分符竹後口鉢所理蘇
息無饑渴才有餘兮志未豁長衢方騁推輓輒彼蒼者天何謁謁嗚呼馬君道消歇
中壽未登神奄絕唯有雄名流不竭

大唐故太白禪師塔銘

并序

胡的述并書

學鍾

禪師法號觀宗得姓留氏東陽人也世積貞隱元泯不耀初尊夫人夢吉祥天女引
行摩利上宮而娠太白焉口有善護懷月不薰不腥肌寗彌澤藏珠川媚蘊玉方流
至寶處而殊倫至人出而體別異香襲乎襁褓童顏清乎冰雪文字進誘偏聰佛經
滋味筵之但甘鹽素年至十二懇求出家如哀者欲淚不可遏也昔太子適邁寧辭
父王香為頤鴈擺落羈繼乃登秦望山禮善惠禪師求無上法一見奇秀如會宿心
舊徒門階新我堂室服勤左右道務精微初受楞伽思益等經便入禪宗性海然後
波瀾秘藏不習而了其功文字有窮生知莫際囊鉢衣衲遐求戒珠便往南岳禮制
空禪師稽首論心演通秘奧菩提樹上汝得新枝師子座前詎量高下祖師傳教南
北一十二人今牛頭山中禪師是最後者遂將啟墓研復真言以心印心以法證法

法且無別。心寧有差。夫大善無脩。頓了無人。二際清淨。佛何閒然。禪師兒出常倫。挺秀八尺。時牛頭法衆。欲近万人。無礙辨才。口口瞻仰。彼土緣盡。思歸太白。上方務安靜也。不遊京國。遠名利也。局不闢。示無畏也。常有兩虎依卧庵前。低目輕步。馴於家畜。四境之內。不聞暴聲。我蘊大慈。力感羣物。諸毒皆善。豈唯獸鳥。山雖高深。不能隱其大德。遠近禮謁。如川之流。故明州刺史王公術。故明州刺史李公岑。故劍南東川節度行軍司馬檢校戶部郎中任公侗。故明州刺史盧公雲。前後皆駐驂雲根。稽求上法。饑渴無量。虛往實歸。每有異香。聞者非一。嗚呼。孰謂法梁將壞。般若舟沈。元和四年八月十五夜。跏趺化滅。享齡七十九。僧臘卅九。以其年十月一日。權開於太白峯南。先意也。州尊邑尹。祭奠交禮。緇素齋口。幢幢翳野。慈雲聚而還散。定水咽而更流。猿鳥悲吟。聲慘風雨。物感如此。人哀可知。抵元和乙未歲。建層龕。過於多寶佛塔。依像法也。門人口海法常道。真明徹惠見光。獻元微清瑗元悟等。皆承師教。戒定慧雙脩。恐劫火重然。嵐風碎岳。請銘大德於無朽文。曰。如來示滅。教留祕法。言說非傳。清淨即合。火鏡陽照。山空響答。一真乘無相。妙覺無形。三界上界。前生下生。月虧魄隱。冰泮流清。哭之香塔。徒傷有情。口口口口力李文鑑。

唐故馮府君墓誌銘

并序

府君諱倫字寰周長樂人也。曾思祖祖琰父璋俱養性丘園高尚不仕。府君即璋第二子。幼而簡約長而宏雅。恬然自處不趨世利。禮則凝重器宇沈深。雖榮之與辱不能動其色。忘言得意忻忻如也。輕財重義博識多能。理性內融微猷外發。男公造立身恭謹色養兢兢。二女令淑有聞。各娉他室。嗚呼斯人不保遐壽少乖攝衛。伏枕彌旬。藥術無徵奄隨風燭。以大和七年八月一日終於私第。享年七十。府君殯也。陰雲暗慘烏雀悲鳴。至理元微天何可問。男女迷謬叩地號天。閭巷傷聞為之慙默。夫人陳氏蓬首灰心。沈哀骨立。徒想瓊田之草無復返魂之香。以其年十月十五日葬於江夏長樂鄉射亭里之原。禮也。北背黃鶴之巔南瞻八口之峯。恐年代浸疎川原變易。剋石記事永將不易。辭曰。

日月至明尚有盈缺。丘山至壯尚有崩裂。感彼馮君隨波生滅。時惟孟冬析析悲風。凝陰蔽野。苦霧霾空。敬勒斯誌。千載無窮。

大和七年歲次癸丑十月癸未朔十五日丁酉樹

般若波羅蜜多心經

觀自在菩薩 云云

弟子王瑗 妻黃梅檀智 男元佐 元儻同贖此經

大唐故汝南公主墓誌銘 并序

公主諱字隴西狄道人。皇帝之第三女也。天潢疏潤。圓折浮夜光之采。若木分暉。耀華照朝陽之色。故能聰穎外發。閑明內映。訓範生知。尚觀歲於女史。言容成則。猶習禮於公宮。至如怡色就養。佩紛晨省。敬愛兼極。左右無方。加以學殫絳素。藝兼顰紱。令問芳猷。儀形閨闈。公年公月。有詔封汝南郡公主。錫重珪瑞。禮崇湯沐。車服徽章。事優前典。屬九地絕維。四星潛曜。毀瘠載形。哀號過禮。齒續不襲。壘醑無茲。反琯亟移。陵塋浸遠。雖容服外變。而沈憂內結。不勝孺慕之哀。遂減傷生之性。天道祐仁。奚其冥漠。以今貞觀十年十一月丁亥朔十六日。

故祭酒崔十八丈綽常與冠軍賀拔基。皆以鑒閱相尋。每稱伏膺虞書。多歷年所。自會昌已來。時觀斯帖。因致其真。隸有加。頃年崔丈每送余弟兄下第東歸。必云。此去復見汝南帖。其何減於昇第耶。所惜者闕其銘文耳。咸通三年春。於存神室。輟獻子凝良足瀆愛也。幾元 虞書。世所傳者。孔廟記耳。此帖遂可抗行。河東薛

紹彭題

唐故處士潁川陳氏公墓誌銘并序

陳公諱韞字韜光。西漢太丘長實之遠裔也。曾祖晏祖□先父澄。偕高蹈不仕浪跡人寰。以處默為輪輿。以軒冕為桎梏。教無嗣允。德冠我公。作隱遯股肱。為□山浚峭峻義方。而□屬不聞。宏心計而資給豐饒。□用身安。降年有永。故春秋七十有八矣。所宜溢斯上壽。□有中庸。誰謂劍沒延津。珠貽淮水。以唐□成三年二月二十七日寢疾於江□縣之私室。□□□年四月七日歸柩於順化里黃□□□□塋禮也。夫人譙郡曹氏。先公三祀而□□□子□立□瘠綿頓。幾不勝哀。服勲經營。面垢□□□□□有禮號慟而行路無聊。仁孝光□□□父□□□□榮陽潘氏婦儀母道。自彼抑揚。豈不性□□沿□□有自於戲言。猶在耳。音容已緘。哀□臨岐。誰無怨□。又以曾蔭德宇。忝識前脩。實錄遺芳。刻於貞石。銘曰。

口德門所嗣兮。退藏是先名與身孰親兮。道在保全。福壽所資兮。天降永年。遺芳不替而蒸蒸日上兮。口口口口兮。口口口口前。

大唐扶風馬氏墓誌銘并序

甘三娘卽卽蛇蛇扶風人也。故侍中太原尹子曾王父。故太子諭德兼兵部郎中子大王父。故鄂州州從事之子先父也。子生於珥貂之家。育在統緒之室。笄年廿歲。灼如薔英。期偶適耀口口。我後嗣何華而不實。社福不臨。以元和八年七月三日。洪水蜀來。浸溢夏汭。合郭為患。顧此遂遂。假官航以虞墊溺。豈家臣失汭。馮夷幸災。且丹云覆。相次淪沒。嗚呼。慈親腸絕。天倫氣摧。存沒路殊。終議元慙。以元和八年八月四日。窆於先父塋側。禮也。恐陵遷徙。乃紀銘云。

伏波有女。青娥豔陽。馬氏有男。白眉最長。於口口口。彼天何殃。豈春華之豔景。同淪歿於舟航。嗚呼。生則同氣。歿為異穴。捨慈親之恩愛。侍先父之塋闕。痛纍纍之古原。口口口之永訣。

江夏縣緣果道場七層磚塔下舍利銘記

夫至理空冲。尋求之源悠緬。法身寂泊。無方之應奄臻。至如花疊未然。駐影留髮。香薪已燎。散體分形。故有寶塔珍龕。龜龜四國之上。雲興地踊。照曜八國之中。俾我聖迹未之湮墜。緣果道場者。梁天監十二年太歲癸巳。長史劉端捨宅為寺。有命過僧歸闍梨。盡心建造。闍梨降自江口。氏族未詳。戒慧總持。甚有靈驗。於是鴻基勝趾。締構

日新三業薰修。七財具足。以今大隋大業九年。昭陽之歲。江夏縣緣果鄉長劉大懿等。遵依教旨。共三鄉仕民。奉口口齊興道場七層磚塔一所。安鎮此地。次有清信弟子黃慧龍。慧俊。慧達等兄弟。並德口口佳雅。難兄難弟。誓立五根。願宏四事。於所住宅福瑞累彰。亡父於大業三年二月。乃於食內感舍利一枚。大小相觀。觀茲希有。安止水器。且浸且浮。旋遶久之。光明遍室。頂戴虔禮。日申供養。到七年正月。俊女難娘。又感二枚。斯實迹現。難思抑聞。圖籍次有弟子李樂王。信首宿馳。賢才蘭足。雖室無瑞井。手闕金錢。每用放濟。居心傾捨。為業以開。皇廿年。行至常州境。感舍利一枚。到大業五年。於所住宅。又感二枚。昔者阿難捧函。如來讚其希有。康會瓶寫。吳王嗟其神異。詢諸經誥。今古同符。以今季夏六月八日。奉送散身。永寔基下。眾緣贊助。普設大齋。方俟七級巍義。接霄房而颺采。九盤煜曜。寶鐸韻而流聲。上資帝朝。爰洎遐邇。設使勞盡。方城五分之身。常住石銷。天袂金剛之地。巍然敢忘。議善乃為銘曰。

茫茫宇宙。悠悠世間。九地銜海。四口口山。三塗有獄。五道無關。魂隨動泊。識口循環。至聖何像。巖爾悵怕。示現無方。迦維垂迹。等救燒燃。通悲幽溺。息眾權城。椎輪火宅。八十化盡。天人喪師。撫膺雨淚。香水口毗。四王典護。八國均持。機緣靡隔。靈祥俟時。

坊墳式建。層表臨空。非因鬼力。詎假神工。金盤仰露。寶鐸搖風。山移川徙。徽業興隆。唐故寧遠將軍守左金吾衛大將軍隴西李公墓誌銘并序 從姪鄉貢進士

藝通換

夫為淳源支流一派後楫先軌者。蓋紐宗子相襲焉。由是士口時望。局扇和風。昔附載簡書。何必獨於前聞也。公諱宗卿。字同系。臨汝郡人。曾祖蘭州刺史日周。祖朝散大夫嘉州麟遊縣口瑱。考朝議郎泗州虹縣尉援。本以敦序口祖沿訓於孫。忠孝口時衣冠及位。公邁亮取時宏性。測極勵躬。祇虞克事。源窮國能并仁。緝家兼難濟國。操節倅楫。拖義為紳。常以顯口口口隱融清猷。與友生評談志非苟進。會千道並泰。則何官而口口自董武崇階。總兵六郡。樹勲江佐。恩旌一門。口口宗族處朝。裏交在位。隙伺內廩。冀乎政名。中年達身。口人所貴。而公植其風。忽遺其命也。時貞元十三年歲次丁丑。口二月二十九日。終於夏口官舍。嗚呼。春秋六十有二。夫人汲郡康氏。毀躬慟號。殆不全性。長子德方。次子直方。宏方。季子幼方等。主奠彌天。哀罹若滅。長女適於河南元氏。先公之淪。次女十六娘。已許於天水趙氏。幼女十九娘。歸於釋門。皆茹泣貫心。口於感巷。以是年夏五月十一日。權殯於長樂鄉黃鶴原西山之陽。禮

也於戲條幹挺空而見摧。君子不幸於中口。所以口口口。旗將必竭於生誠。藝通泰殊眷孟伯之子恭命為詞。口口口口敢不殫於殫述。銘曰。

杳杳還氣澄澄汪容。自仁其性飾已惟邕。顧巖作度。口口口口。其噫云夢真。倏數顏

梁。隳輪阻輟。彫翻沈翔。代口馳口。口口口口。其曙興神輦。告赴原塋。卻負山勝。前據

郊平。口口哀口。口口至情。其三

故永陽敬太妃墓誌銘 尚書右僕射太子詹事臣勉奉敕撰

永陽大太妃王氏琅耶臨沂人也。其先周靈王之後。自秦漢逮於晉宋。世載光口。羽儀相屬。既以備於前志。故可得而畧焉。祖粹給事黃門侍郎。父儼左將軍司馬。尋陽內史。並見稱時輩。太妃體中和之氣。稟華宗之列。蹈此溫恭。表茲淑慎。孝敬資於冥發。仁愛口於自然。至乎四教六訓之閑。工言貞婉之德。無待教成。因不該備。故景行著於中口。淑問顯乎言歸。作嬪盛德。實光輔佐。親縫幕之用。躬服澣之勤。及早世釐居。遺孤載藐。提攜撫育。逮乎成備。斷織之訓。既明閨門之禮。斯洽。劬勞必盡。曾不移志。用能緝睦於中外。亦以宏濟乎艱難。雖魯姜之勤節。曹妃之敬讓。方之蔑如也。皇業有造。殷憂啟聖。追惟魯衛。建國永陽。恭王纂嗣。蕃號式顯。迺拜為太妃。策曰。維天